

# Bulletin

*Amptelike nuusbrieff van die Munisipaliteit Overstrand*

## OVERSTRANDERS BRING HULDE AAN MADIBA



Soos mense die wêreld oor het die verlies aan hulle geliefde Tata Madiba Overstranders swaar getref. In 'n poging om te help troos en die hartseer te verlig, is verskeie plekke daargestel waar mense hulde kon betoon deur kranse te lê, kerse aan te steek en hulle eie boodskappe van medelye te laat. Mense van oral in die gebied het ook die geleentheid gehad om hulle laaste eer op gepaste wyse te betoon tydens die vier interkerklike gedenkdiens wat op die aand van Donderdag, 12 Desember in Gansbaai, Stanford, Hermanus en Kleinmond gehou is. Hier is 'n paar foto herinneringe wat ons vir baie jare sal koester.

**Hamba kahle, Madiba**

## OVERSTRAND TEL MET REG ONDER LAND SE GROENSTES

In die Departement van Omgewingsake se jaarlikse kompetisie om die land se Groenste Dorp aan te wys, is Munisipaliteit Overstrand nie net met die gesamentlike algehele derde plek bekroon nie, maar is ook as wenner in die afdelings vasteafvalbestuur en waterbestuur en -bewaring aangewys, laasgenoemde nogal vir die tweede jaar in 'n ry! Boonop is die nuwe biologiese watersuiweringsaanleg by Preekstoel, wat die eerste van sy soort in die land is, met 'n sertifikaat van uitstaande prestasie vir 'n innoverende projek beloon.

Alhoewel die doel is om erkenning aan munisipaliteite te verleen vir hulle prestasies en innovasies op die terrein van omgewingsbewaring en

-volhoubaarheid, gaan die kompetisie oor meer as net wen. Dit word ook as 'n geleentheid beskou waar munisipaliteite by mekaar kan leer en ander se suksesse kan inspan met een doel voor oë: Om 'n gesonde omgewing te skep en dienste van die hoogste gehalte te lewer.

Benewens die kategorieë hierbo vermeld, ding munisipaliteite ook mee in afdelings vir volhoubare energie, biodiversiteit en kusbestuur, lugbesoedelingsbeheer en luggehaltebestuur, openbare deelname, en leierskap en voldoening. Die algehele wenner was Mosselbaai met Drakenstein in die tweede plek. Overstrand deel sy derde plek met Swartland.



# Funky Big Blues-musiekfees om die draai



Kleinmond se hawe gaan weer eens twee dae van manjifieke *rhythm and blues* op Vrydag, 28 Februarie en Saterdag, 1 Maart 2014 aanbied. Soos in die verlede belooft hierdie vyfde jaarlikse Big Blues-musiekfees hope uitbundige feestelikhede teen 'n asemrowende agtergrond alombekend vir sy sonderlinge winkeltjies, galerye en eetplekke.

Alhoewel die organiseerders nog nie die besonderhede van die finale program bekend gemaak het nie, het hulle aangedui dat hulle van plan is om 'n 1 050 m<sup>2</sup> (alt 0178)-markiestent met sitplek vir 'n duisend op te rig waar die meeste kunstenaars hulle ding gaan

doen. Hierby gaan verskeie stalletjies wat plaaslike *cuisine* en ander ware verkoop tot die feestelike atmosfeer bydra.

Feesgangers het 'n keuse van verskeie pakket- en afslagopsies wat deur verskeie keurondernemings in die omgewing aangebied word, wisselende van selfsorg-eenhede, 'n verskeidenheid gastehuse en bed-en-ontbyt-ondernemings tot kampeerplekke. Vir besonderhede oor hierdie opsies, kaartjieverkope en die program, besoek [www.bigblues.co.za](http://www.bigblues.co.za).

**'Dit is vir my en dit is vir jou, dit is net die blues'**

## HANTEER HUISHOUDELIKE AFVAL TUSSEN OPTEL-DAE SÓ

Munisipaliteit Overstrand is gerat om soos vorige jare die ekstra volume vullis te hanteer, maar dit kan net 'n sukses wees as almal hulle samewerking gee. In die besonder word 'n beroep op alle inwoners en besoekers gedoen om saam te werk sodat plaaslike vullis en gepaardgaande onaangename reuke tot die minimum beperk word.

Hier volg 'n paar eenvoudige voorstelle wat tot almal in jou buurt se voordeel kan strek:

- 'n Vullisdrom behoort in 'n koel, skaduryke plek te staan.
- Hoe meer hy bak, hoe meer gaan hy gis.
- 'n Vullisdrom se deksel behoort te alle tye deeglik geseël te wees.
- Hoe digter, hoe minder die ontsnapping van onwelriekende reuke.
- 'n Vullisdrom is 'n aangenamer verskynsel as:
  - alle bederfbare voedsel-reste, in die besonder seekosafval en rou stukkies vleis, eers in 'n sakkie dig toegeknoop word;
  - bebloede sakkies en verpakkingsmateriaal eers uitgespoel word; en
  - ou verpakkingsmateriaal in sakke toegeknoop word.
- 'n Vullisdrom behoort na elke afhaal-dag aan 'n behoorlike ontsmetting/reinigingsregime onderwerp te word.

Moet ook nie nalaat om daaglikse sluit in om voedsel-reste te vries en dan eers op die afhaal-dag uit te plaas.

En dan kan jy natuurlik ook oorweeg om jou vrugte- en groenteskille te gebruik om 'n komposhoop of wurmboerdery te begin. Sodoende verminder jy nie net die hoeveelheid afval wat uitgeplaas word nie, maar dra ook by tot die handhawing van 'n volhoubare omgewing.

Daar word ook 'n beroep gedoen op inwoners en besoekers om hulle vullis slegs op die dag van verwydering op die sygaardjie te plaas.

Rig enige navrae oor herwinningsopties en afhaal-dae aan Hermanus 028 313 8090; Kleinmond 028 271 8404; Stanford 028 341 8500 of Gansbaai 028 384 8351.

## MAAK SEKER ONS KAN JOU OPSPOOR: MAAK JOU HUISNOMMERS SIGBAAR

In belang van doeltreffende dienslewering en die tydige hantering van klagtes word 'n dringende beroep op alle huiseienaars gedoen om hulle eiendom se huisnommers op 'n sigbare plek te vertoon. Dit sal ook die polisie- en ambulansdiens in noodgevallen van hulp wees.

Mense wat nie weet wat hulle huisnommers is nie, kan navraag doen by 028 313 8112.

## TWEE KONSERTE IN JANUARIE



Reiner Schneider-Waterberg



Op Vrydag, 17 Januarie, sal die Duitse tenoor, Christoph Genz, op die klavier begelei word deur Cornelia Herrmann in Schubert se beroemde sangsiklus, *Die Schöne Müllerin* (Op.25, D 795), gebaseer op gedigte van Wilhelm Müller.



Christoph Genz



Cornelia Herrmann

Op Vrydag, 24 Januarie, word 'n opwindende program van arias, Lieder, duette en klaviersolo's aangebied deur Reiner Schneider-Waterberg (bariton), Christoph Genz (tenoor) en Cornelia Herrmann (klavier). Van die mees beroemde en mees geliefde arias uit operettes soos *Dein ist mein ganzes Herz* uit *Das Land des Lächelns* en *Wie ein Rosenknope* uit *Die Vrolike Weduwee* en die *Venetianische Gondellied* sal uitgevoer word, terwyl die gehoor ook kan uitsien na klaviersolo's soos die *Drie klavierwerke* D946.

Albei konserte in Januarie begin om 19:00 in die Munisipale Ouditorium op Hermanus. Kaartjies kos R100 (R50 studente) en kan bespreek word by BELLINI by 028 312 4988. Skakel René du Plooy by 082 940 4238 vir verdere navrae.

## FLONKEREND EN VEILIG: OVERSTRAND SE SWEMBADDENS 'n FANTASTIESE ALTERNATIEF VIR JONK EN OUD

Groter Hermanus spog met twee fantastiese alternatiewe vir diegene wat graag wil afkoel, maar nie in die see nie: Twee wonderlike swembaddens beman met hulle eie ten volle gekwalifiseerde lewensredders.

Gedurende die 2013-winter is die Olimpiesestandaardswembad in Hawston gedreineer, herseël en uitgeverf om weer eens sy regmatige plek as gunsteling onder beide inwoners en besoekers in te neem. Benewens keurige ablusiefasiliteite bied die kompleks ook 'n spesiale swembad vir kindertjies - nogal met sy eie genotvolle spuitfontein! Vir diegene wat nog nie weet nie, die swembad is reg langs die Hawston-kampeertrein. Vir aanwysings, skakel 028 315 1821.

Die instandhouding van die munisipale Zwihele/Mount Pleasant-swembad het tot onlangs groot uitdagings ingehou onderwyl die opgegradeerde Hermanus-toegangspad in aanbou was. Danksy sy eie suiweringaanleg is die water van beide die Olimpiese-grootte swembad en sy mediumgrootte maat egter sprankelend skoon en baie, baie aanloklik. Ook hier kan kleuters in hulle eie swembad plas en die ablusie-fasiliteite is van die hoogste standaard. Vir aanwysings na hierdie swembad, skakel die munisipale kantore in Hermanus by 028 313 8135.

